

清史稿卷九九

志第七四

乐六 乐章四

筵宴舞曲 大宴笙吹乐 番部合奏

元旦、冬至、万寿三大节，《庆隆舞乐》九章

于铄皇清，受命于天。光延鸿祚，亿万斯年。天开令节，瑞启阶
 蓂。共球万国，圣寿千龄。粤自我先，肇基俄朵。长白之山，鹄衔朱
 果。绵绵瓜瓞，长发其祥。笃生列祖，积庆重光。式廓旧疆，东訖海
 表。圣圣相承，永世克绍。一章赫赫神功，龙飞崛起。戎甲十三，奋
 迹伊始。复讎靖难，首克图伦。天戈一指，辰慑强邻。九姓潜侵，灭
 迹如。蒙古五部，来奉大号。明师四路，五日而殄。定鼎辽沈，都城
 岩岩。阵云五色，江冰夜凝。天助有德，应运而兴。二章天亶聪明，
 覆幬下国。远服迓归，诞敷文德。四方来附，云集景从。建长命官，
 庶职是综。爰创国书，颀文羲画。声协元音，万古不易。爰定军制，
 彩旄央央。或纯或间，永奠八方。缔造鸿谟，创成大业。锡福无疆，
 庆钟千叶。三章佑启哲嗣，光阐前猷。昭崇骏德，诞迓天庥。携贰绥
 怀，朝鲜归款。世奉东藩，厘尔圭瓚。三十五郡，厥角称臣。西被佛
 土，重译来宾。濯征有明，耀师齐鲁。电埽郊圻，有而弗取。略地松
 杏，屡殄敌军。百战百克，用集大勋。四章帝德广运，昭受鸿名。建
 国纪元，永定大清。敦睦九族，彝伦式叙。尚德亲贤，股肱心膂。三
 馆是辟，监古崇儒。郊社禘尝，式贲皇图。爵秩以班，六曹承政。百

工允厘，万邦表正。威铄函夏，德配苍穹。敬承无斁，骏烈丰功。五章帝授神器，统一寰瀛。翦灭巨寇，乾坤载清。一著戎衣，若雨甘雨。大告武成，作神人主。躬亲大政，饬纪整纲。制礼作乐，昭示典常。纳谏任贤，慎微虑远。定律省刑，万世垂宪。克勤克俭，忠厚开基。景命维新，就业自持。六章圣神建极，道冠百王。六十一年，福祚久长。天纵聪明，冲龄御宇。孝奉两宫，德隆千古。三孽蠢动，一举荡平。海氛永靖，浪息长鲸。亲御六师，三征沙漠。威肃惠怀，锄顽扶弱。禹功底绩，虞典时巡。敷天率土，莫不尊亲。七章惟天行健，神圣则之。典学勤政，作君作师。《无逸》为箴，宵衣旰食。一人忧劳，绥此万国。文经武纬，地平天成。中和立极，玉振金声。亿万斯年，觀光扬烈。敬天勤民，体元作哲。天鉴孔彰，翼翼后王。仪型皇祖，帝祚遐昌。八章瑶图炳焕，六合雍熙。星辉云灿，风雨以时。翕受嘉祥，调和玉烛。治鸞皇风，道光帝篆。东渐西被，北燮南谐。梯航琛赆，毕致尧阶。日升月恒，万拜蒙福。击壤歌衢，嵩呼华祝。秩秩盛仪，洋洋颂声。绍休列祖，永庆升平。九章

嘉庆元年，太上皇筵宴，《庆隆舞乐》九章

洪惟太上，景福自天。纪元周甲，席瑞循环。丙辰肇岁，宝命躬膺。昊慈默吁，祖武敬绳。初愿克符，弗逾前纪。诞畀元良，丕承宗祀。孟陬朔旦，端启重光。大廷授受，申锡无疆。精一执中，心传钦守。媲美勋华，世跻仁寿。一章维圣握符，祇严昭事。肃肃泰坛，惇称殷礼。兆南就位，有举必躬。祈辛卜稼，祭雩占龙。陟降灵祇，精禋肝鬻。四序钧调，百神敬享。雨暘寒燠，曰风曰时，八徵敬念，九寓醇熙。寿增上耄，弗懈益虔。茂膺多祜，翕应蕃骈。二章漠烈显承，福基万亿，对越在天，升馨昭格。羹墙申慕，彝训式钦。晨兴惕若，宝篆披寻。四莅陪都，珠邱展谒。缔构艰难，緬维开国。威宣弧矢，化肃冠裳。祇循前典，曰笃不忘。继继绳绳，昭哉嗣服。于万斯年，锡兹祉福。三章圣人敕政，综揽万几。至诚悠久，维日孜孜。恭乃寿徵，健为乾体。洞照八埏，励精才晷。丹毫批奏，彤陛延英。劬衣履

藉，展羲巡行。相度塘堤，于河于海。肄武习勤，赉藩宣恺。纯一不已，用介大年，贞恒保泰，往牒孰肩。四章民应如草，圣泽如春。大钧默运，宙合同仁。五免丁粮，三蠲庾米。豁欠宽征，恩覃肌髓。爰咨稼穡，普及封圻。偏隅有告，大赉庞施。民隐烛微，吏猷选最。岸狱平反，拊循攸赖。乾坤畴载，日月照临。莫名帝力，允享天心。五章圣漠广运，文德诞敷。道隆金镜，象丽瑶枢。礼正图编，诗厘乐府。《四库》分排，七阁崇庋。讲筵著论，史鉴宣评。闾桥集鼓，泐石横经。文芸三千，诗哀五万。云汉倬章，日星炳焕。作人数教，恩榜骈联。榱桷杞梓，良材蔚然。六章皇猷赫濯，载绩武功。殊方奉朔，逖裔从风。准部回疆，天戈叠指。二万舆图，宅畋斯启。金川再定，邛夔犁庭。楼船震慑，海峤救宁。缅甸叩关，交南班阙。卫藏安禅，徼夷向日。鸿勋十告，驰骤禹汤。昔顽率服，纘继紫光。七章范九五福，惟帝时承。亿龄瑞启，奕叶祥凝。宝篆“十全”，堂颜“四得”。甲子稽兹，贞元衍易。洪开寿寓，叠举耆筵。珍府阐绎，景纬昭宣。惟德之基，惟福之积。芝检文辉，萝图庆溢。九如曼羨，八表蕃厘。重轮继照，光我皇仪。八章太上立德，咸五登三。崇称却让，湛泽均覃。动植蕃昌，裨瀛照洽。子帝承颜，来昆引牒。祥源益溥，庆祚洪延。瑶图计纪，珠斗辉躔。纯嘏缉熙，康强逢吉。光启帝期，永绥皇极。会元章蒞，正载经咳。愿齐圣算，长颂台莱九章

乾隆二十六年，皇太后七旬万寿，《庆隆舞乐》二十章

皇太后万寿弥增，皇帝至孝以承。洪福同山海，欢声率土腾。一章岁当辛巳建，寿届七旬隆。怡愉太平日，舞蹈偏寰中。二章太后宏溥慈仁，宫闱式维均。绵延百世泽，长此乐长春。三章盛际集祯祥，祈年日正长。臣民敬申舆颂，庆覃恩敷八方。四章圣节开嘉燕，雍容舞叠。允兹祺寿绥，神人共欢汴。五章金钥瞳眈眈晓开，成行彩仗先排。臣工大小陪位，会朝称庆无涯。六章皇帝仁孝兼至，圣母福寿同绵。载考古史所纪，罕得于斯盛焉。七章皞皞熙熙盛世，氤氲氤氲元气。皇太后圣寿无疆，皇帝孝思不匮。八章如日之升，如月之恒。慈

寿绵绵，如南山是徵。九章皇帝圣治臻隆，庶汇被泽胥浓。以兹悦怿圣母，允宜福寿攸崇。十章大孝章矣，萑禄长矣。敷天嘒嘒，乐时康矣。十一章圣时文教昌，万汇欣解阜。多福允受兹，清宁并悠久。十二章异域输诚，称臣奉琛。属国以万数，去集合欢心。十三章殊方一以平，德威既遐布，长治而久安。慈怀同增豫。十四章回部偕来贺，德化渐以深，戴恩永无极，送喜承皇心。十五章乃陟金陛兮，庆筵载陈。西展舞彩兮，至德洽于无垠。十六章钟鼓既宿悬，和声娱恺乐。九重进版图，王会式增廓。十七章曰雨曰暘时若，省岁实维屡丰。泰宇既安既阜，嬉游何幸风同。十八章浹兮沦兮，沐湛恩兮。九州万国，戴逾殷兮。十九章圣母延洪康且颐，行庆施惠人无遗。愿集多祜绥维祺，勿替引之亿万斯。二十章

乾隆三十六年，皇太后八旬万寿，《庆隆舞乐》十八章

圣母万万岁，既寿而康。皇帝逾六旬，孝治弥光。细缙化宇兮，太和翔洽。诸福毕至兮，纯嘏尔常。一章重光冒卯岁序新，万寿八秩启今辰。景祐自兹以永，庆日引而月升。二章皇帝舞彩，圣母燕喜。协气充周，福祿萃止。三章璇宫丹牖新增，卿云舞縠交凝。瑞符翕集，如松柏之茂承。四章奉安舆以时迈，乃东至于岱宗。陟乔岳而行礼，百神卫佑咸来从。五章普陀肇灵刹，宗乘宣祝延慈厘。群藩诸部长，咸来膜拜瞻威仪。六章敷天合欢汴，共球万邦献。玉册扬徽称，辉煌晋萱殿。七章庆筵乐备，孙鲁效舞。成文协节，嘏辞叠举。八章寿如南山崇，福如瀛海广。运会超邈隆，亘古实无两。九章振振绳绳乐含饴，搏搏总总福履绥。奉进如意肩相随，同祝圣寿徵攸宜。十章金门诃荡开，彩仗琴丽陈。群工汴贺，莫不尊亲。十一章八方太平日，负戴来纷阗。金曰盛哉乎斯世，维申庆于万年。十二章湛恩汪涉，中外禔福。臣庶戴德，久而弥笃。十三章鸿化迪矣，昭焉奕矣。群黎百姓，洽教泽矣。十四章慈训式于九圉，维圣母之贻。酖膏浹无外，勿替引令祺。十五章岁功屡告丰穰，五风十雨兆祥。荷昊穹兮锡佑，协皇心兮降康。十六章远藩内面诚殷，土尔扈特愿归我幅员。率

户口以数万计，呼嵩鞠踞来如云。十七章慈颜有喜安以愉，德洋恩普周寰区。纯休永永庆那居，亿万斯年乐于胥。十八章

道光二十五年，皇太后七旬万寿，《庆隆舞乐》九章

日升月恒兮，天行不息。惟圣母之寿，与天无极。一章渊淳岳峙兮，地道有常。惟圣母之寿，应地无疆。二章辰维良，月维吉。玉觞陈，金奏列。动六琯之春阳，七旬之庆节。三章皇帝奉爵，龙衮以侑。左抚舜琴，右酌尧酒。合薄海臣庶，为圣母寿。四章圣母燕喜，悦豫且康。乃稽庆典，载考彝章。覃恩闾泽，用锡祉于万方。五章万方有庆，四海同春，凡我髦士，以逮烝民。仰思齐之盛化，咸蹈德而咏仁。六章和风习习，甘雨祈祈，嘉谷六穗。瑞麦双歧。祥源福绪，惟圣母之贻。七章万姓香花，千衢歌舞。敬祝圣母，诞膺多祐。乐意遍八埏，欢声腾九土。八章皇帝圣德，惟圣母是承。龙池春丽，凤液祥凝。永介慈福，延亿万龄。九章

同治十三年，皇太后四旬万寿，《喜起舞乐》二十章

皇太后万寿无疆，考思共仰当阳，多福符三祝，维天降百祥。一章岁逢甲戌，恭遇四旬。普天祝嘏，辘辘殷殷。二章延洪绵宝篆，佳节庆长春。敬献升恒颂，欢声遍九垠。三章九垠溥被崇厘，大化式于璇帷。万姓瞻依切，千秋统绪垂。四章垂帘十一年，夹辅任亲贤。长治久安歌永赖，武功懋兮文治宣。五章皇躬资抚育，训政昭嗣服。燕翼荷貽谋，鸿庥多景福。六章生民遂，元化濡。遏腹削，宽租逋。普乐利，醉醞醑。熙熙皞皞，怿怿愉愉。七章殊方如砥平，声教既遐布。建此丕丕基，慈怀信增豫。八章皇帝仁孝兼隆，圣母万福攸同。盛世人民乐恺，清时景物照融。九章闾阖千门启，安舆驾凤来。德晖欣普照，欢喜上春台。十章郁郁葱葱气佳，行行彩仗齐排。鹭序鹓班陪位，会朝称庆无涯。十一章萱室开嘉燕，万年觞叠献。良辰寿而康，神人共欢汴。十二章我皇舞彩，圣母情怡。太和翔洽，福禄来为。十三章奏五英，亲九族。麟定歌，鸿恩沐。本支百世感深仁，天潢一派

益敦睦。十四章藩王部长咸来宾，重译殊方职贡陈。赤子之慕抑何深，凡有血气同尊亲。十五章奔走偕来趋阙廷，鞠躬忭舞祝遐龄。锡之冠带列藩屏，小怀大畏懍威灵。十六章重皇帝治治重熙，垂裳已无为。以兹怡悦寿母，允宜福履绥之。十七章大孝章矣，弗禄康矣。勿替引之，纯嘏长矣。十八章五风十雨兆嘉祥，频书大有告丰穰。盛哉斯世泰而昌，神功炳焯焕珠囊。十九章同游化宇戴高厚，跻金陛兮介眉寿。慈颜有喜安以愉，与天地兮同悠久。二十章

光绪十年皇太后五旬万寿，《喜起舞乐》二十章

至哉神极，悠久无疆。猗欤令德，合撰含章。尧门叠瑞，似幄披祥。一人有忒，万寿弥臧。一章星丽南弧，日躔北陆。缇室葭飞，彤阶冀续。太史占云，伶伦候玉。上下和同，受天百福。二章天心复旦，圣节长春。罄壤齐庆，亘霄奉珍。月仪外宙，云瑞中宸。运隆礼乐，感极天人。三章其礼伊何，荡册繆章。鸾回宝势，凤欲奇香。金支景聚，璇卫云张。肃雍长乐，艾炽耆昌。四章其乐伊何，《韶箴》亮希。天歌抗律，云舞跄仪。重华纍纍，八风回回。玉节金和，嗣音之徽。五章福以德昌，庆因善积。齐庄有临，几康无斁。训流蜚观，风光椒掖。毕管书仪，倾瓊奉式。六章助隆庶政，启佑我皇。囊威弓矢，辑瑞梯航。毡乡即叙，鸟译宾王。慈和遍服，保畏弥光。七章于维广运，上巍昊穹。春育夏养，内帡外幪。薰琴解愠，嘉玉祈丰。万年翔洽，百室熙隆。八章邓林翹秀，昆岫搜奇。旁求俊乂，分职官师。四聪明达，三宅周咨。卷耳进贤，如歌风诗。九章圣人在上，席鬯绥和。慈云荫远，爱日晖多。仁兽归藪，灵禽在柯。士朝而忭，民野而歌。十章帝隆孝治，躬奉天经。凝旒冲幄，鸣玉慈庭。文容属属，舜慕蒸蒸。百礼既至，四海其承。十一章丕显宗亲，戴时嘉会。溯月瞻星，编珠贯琲。璇源益浚，玉叶知芰。训俭示恭，行庆施惠。十二章济济卿士，将将会朝。人瞻丹扆，天临庆宵。缙文炳藻，睿孝图瑶。呼嵩祝华，颂鲁歌姚。十三章亦有藩长，缀于朝仪。酌珍溢酢，贡嘏骈墀。来宾璋马，往贐金犀。既答皇祉，咸欢壶彝。十四章帝命重申，如纶如綍。

劬农赐租，劝位诏禄。熙熙春台，渠渠夏屋。庆赏云兴，欢声雷速。十五章昭礼告秩，慈颜恺康。旋辉玉城，鸣豫瑶觞。裔皇圣孝，庵蔼休昌。钩铃既朗，延嘉亦芳。十六章黄屋长今，彤箴自古。妫汭嫔虞，涂山赞禹。徽德孔明，重规袭矩。以祉元吉，宜延遐绪。十七章甲子章蓂，循环无端。《易》图大衍，羲画先天。箕畴演福，轩策调元。维天佑圣，于斯万年。十八章嶙嶙五岳，而岱之宗。涉涉百川，而海斯容。两仪清穆，八表熙雍。湛恩波沛，峻算山崇。十九章灵贶便蕃，昌期绥茂。帝晖缉熙，母仪纯佑。遐迩壹体，小大稽首。寿考维祺，克昌厥后。二十章

光绪二十年，皇太后六旬万寿，《喜起舞乐》二十章

皇太后福寿同绵，皇帝仁孝兼全。天佑圣母，锡之大年。一章阙逢岁之阳，其阴在敦牂。其日维吉，其月曰良。二章王会大同，星纪五复。万国万年，以介景福。三章猗欤母仪，翼我圣主。曰仁曰智，允文允武。四章其武维何，溢谋璇幄。奄靖神州，威膺殊俗。五章其文维何，崇儒礼贤。奎章藻耀，云汉在天。六章其智维何，明烛万里。中外一家，宫府一体。七章其仁维何，如汤如尧。蠲租发帑，以恤民劳。八章民劳休止，庶优游止。虽休勿休，民瘼求止。九章自普天而率土兮，咸浹髓而沦肌。圣皇之德兮，圣母之慈。十章茂矣美矣，荐嘉祉兮。唐矣皇矣，纯嘏尔常矣。十一章轻印若绶，颺拜稽首。壤歌衢讴，逮及童叟。十二章累译而至，属国以万计。咸含和而吐气，颂曰盛哉乎斯世。十三章大矣孝熙，圣皇之思。以天下养，永奠此乃基。十四章行庆施惠，湛恩汪涉，而炽而昌。遐寿无有害。十五章乃饔饔兮璩瑶章，乃展琼筵兮奉玉觞。乃瞻金陛兮穆穆皇皇，乃奏雅乐兮喤喤将将。十六章琴瑟在御，钟磬在簋。鼙乎而鼓，轩乎而舞。十七章荡荡八荒，惠问所翔。愿圣母寿，应地无疆。十八章闾穹戴笠，徽音四塞，愿圣母寿。与天无极。十九章荷天衢，提地厘，迄于期颐。万有千岁，福履绥之。二十章

乾隆四十五年，高宗七旬万寿，《庆隆舞乐》九章

皇帝万万寿，福如大海源。浩元气兮春和温，泽洋溢兮弥乾坤。一章岁维庚子，恭遇七旬。太平有象，鸿禧日新。二章班禅觐后藏，十方皈依举延企。瑞霭集丰年，广法轮，宗风被。三章丽正门，开诤荡。王公大臣，拜舞瞻天仗。旗鼙霭，芬芒芒。五云朗，炉烟上。四章敬天勤民久，纯德四海敷。皇帝寿，万万年，孔固南山如。五章蒙古众台吉，青海卫拉特。爱之如赤子，倾心世归德。六章土尔扈特归顺，武义金川威震。如天大德曰生，蹈舞扬休入觐。七章曼寿多福，胪欢无疆。如松柏茂，万业纯常。八章皇子及孙曾，称觴介眉寿。祝鸿禧兮岁共有，与天地兮同悠久。九章

乾隆五十五年，高宗八旬万寿，《庆隆舞乐》十八章

皇帝万万寿，福如大海源。亨育德恩普，休和畅八埏。一章岁维庚戌，恭遇八旬。神人祝嘏，景福益臻。二章洞开九重，辟公呼嵩。祥光霽霽，歌舞攸同。三章敬天勤民，岁书大有。万寿无疆，山岳悠久。四章文光炳二曜，武烈宣万方。义正以育，遐迩胥来王。五章燕千叟兮嘉庞眉，赐筇帛兮拜鸿施。胪欢介祉兮叩彤墀，群登寿寓兮祝蕃厘。六章笃天潢，赐章服。灿五采，亲九族。本支百世感殊恩，欢洽情益敦睦。七章临雍释菜，文教振兴。人材乐育，为国之桢。八章辑四库书，誉髦鼓舞。惠兹艺林，上下今古。九章修藏兮译金经，广善缘兮福群生。慈云布濩兮光晶莹，和风甘雨兮弥八紘。十章藩王部长咸来宾，遐荒重译职贡陈。依光慕化同尊亲，赤子之慕中外均。十一章安南国王趋阙廷，鞠躬忭舞祝亿龄。宠以冠带列翰屏，声教远暨海国宁。十二章缅甸来庭，宠膺纶诏。颁印锡封，永绥炎徼。十三章生番向化，倾心太平。恩浹肌髓，威畏惟诚。十四章圣明四照，福绥绵绵。吉祥屡臻，亿万斯年。十五章永承天庥，祥徵滋至。载颂九如，祚延万世。十六章子孙会玄戏彩舞，寿而康兮祝纯嘏。岁岁年年福履增，天地合德同博溥。十七章《中和》舞乐迈《韶箴》，普天率土欢同声。庆万寿兮乃禄膺，受天佑兮莫不承。十八章

嘉庆十四年，仁宗五旬万寿，《庆隆舞乐》九章

皇帝万万寿，寿与天无疆。秉德贞恒笃鸿祐，珍符曼羨恩滂洋。一章岁维己巳，圣节五旬。六合昌阜，嘒嘒阳春。二章我皇功德冒八极，扫除群慝登衽席。磬磬即即师象山，永绥生民偃兵革。三章民生遂，元化濡。遏腴削，宽裳逋。膺餐粥，袞裾襦。乐皞皞，安愉愉。四章作之君，作之师。孔容保，诞教思。厚莫厚，训宗支。仁莫仁，箴八旗。五章继续恭勤兮剑德先，有孚惠心兮靡回延。泉府充羨兮轸民艰，冯蠲辑和兮功浚川。六章重民耕织，雨暘寒燠。图辑授衣，纂志祖考。大孝备矣，养民为宝。七章辟公卿士，后髦庞蒙。云施山应，降福屡丰。绵绵瓜瓞，上怡皇衷。八章承昊佑兮抚八紘，洪景命兮方升恒。率土肤欢兮，重译职贡，于万斯年兮，福祿永膺。九章

嘉庆二十四年，仁宗六旬万寿，《庆隆舞乐》九章

九有嘉吉万汇昌，贞冬姬煦日载阳。帝承昊贶锡光庶，圣寿曼羨长无疆。一章十干十二枝，纪岁周复始。皇帝寿齐天，循环万甲子。二章北豎穷发南雕题，耕桑直过昆仑西。黄河安恬日东注，波澄镜海腾朝曦。三章景风翔兮卿云升，民游寿宇兮化日恒。世庞鸿兮多耇耄，生逢太平兮由高曾。四章厚民生，省厥慝。立嘉禾，稂莠弗。崇正教，耻且格。惠元元，遍帝德。五章继皇统兮承祖泽，王业艰难兮孝思靡极。眷辽沈兮夙法驾，式考训兮永无斁。六章帝廑烝民，拯之德政。曰雨曰暘，天心协应。熙熙春台，丰年屡庆。七章日月方升恒，川岳咸效顺。祝嘏万方同，梯航集琛赆。八章岁己巳兮恩普锡，今兹己卯兮六旬圣节。帝泽汪涉兮，海寓乐康，愿逢旬庆兮万有千亿。九章

乾隆四十八年，乾清宫普宴宗亲，《世德舞乐》九章

天开圣清，觉罗肇兴。列祖继绪，统一寰瀛。一章溯祥长白，垂统发迹。幅员广大，景附悦怿。二章圣皇立极，与天比崇。纯常弗祿，

昌后隆宗。三章笃亲九族，锡恩单厚。金黄带垂，峨冠品授。四章枝蕃萼荣，星情则怡。嘉承天和，方春载熙。五章璇宫肆筵，宗人爰集。黼绣盈庭，班行辨级。六章皇眷有喜，便蕃賚予。侍卫赐茶，恩涵露渥。七章肫仁溥泽，大府颁金。皇慈既渥，以洽壬林。八章宗人拜舞，胪欢忭祝。亿万斯年，永绥多福。九章

乾隆初，巡幸盛京，筵宴，《庆隆舞乐》一章

皇天明命，笃生太祖。锡之圣智，奄有东土。于圣太祖，开基创业。始制国书，同文六合。曰若太宗，嗣承天命。肇造区夏，仁育义正。太宗如天，丕冒纯德。于铄大清，懋建皇极。兴京聿兴，盛京斯盛。惟其至仁，九有托命。钦惟圣皇，追慕深思。率祖攸行，惠我嘉师。敬观实录，日星为昭。祖业艰难，中心忉忉。乃颁明诏，播告臣氓。恭谒祖陵，旋轸陪京。皇帝笃诚，珠邱展觐。文武从臣，骏奔效荃。我皇圣哉，细大不遗。从臣文武，体恤周知，乃出边关，乃经蒙古。阅七爱曼，蕃部悦舞。御光远临，旗裘毕来。宸衷轸念，锡賚恩恢。受我皇恩，祝我圣皇。合十膜拜，恩膏溥将。莅克尔素，驾言行狩。手格虎豷，马射熊仆。英哉我皇，舍矢如破。获兽孔多，万人腹果。爰莅旧邦，爰谒三陵。既躬既亲，我心则平。岂敢惮远，岂敢畏险。至止礼成，心犹缱绻。皇帝大孝，承祭至敬。肃将明禋，万拜为镜。皇仁懋哉，重齿敬老。清问殷勤，德施浩浩。盛京莅止，临朝阅武。御崇政殿，恩敷率土。

乾隆八年，巡幸盛京，大宴，高宗御制《世德舞乐》十章

粤昔造清，匪人伊天。天女降思，长白闕门。是生我祖，我弗敢名。乃继乃承，逮我玄孙。一章元孙累叶，维祖之思。我西云来，我心东依。历兹故土，仰溯始谋。皇涧过涧，缔此丕基。二章于赫太祖，肇命兴京。哈达辉发，数渝厥盟。如龙田见，有虎风生。戎甲十三，王业以兴。三章爰度爰迁，拓此沈阳。方城周池，太室明堂。不宁不灵，匪居匪康。事异放桀，何心底商。四章丕承太宗，允扬前烈。倬彼松山，明戈耀雪。以寡敌众，杵漂流备。惜无故老，为余详说。五

章余来故邦，瞻仰桥山。慰我追思，梦寐之间。崇政清宁，载启南轩。华而不侈，巩哉孔安。六章维我祖宗，钦天敬神。执豕酌匏，咸秩无文。帷幔再张，尊俎重陈。弗渝弗替，遵我先民。七章先民宅兹，载色载笑。今我来思，圣日俯照。爵我周亲，荅臣并召。亦有嘉宾，欢言同乐。八章懿兹东土，允维天府。土厚水深，周原肫肫。南阳父老，于是道古。有登其歌，有升其舞。九章我歌既奏，我舞亦陈。故家遗俗，曷敢弗因。浑灏淳休，被于无垠。勿替引之，告我后人。十章

乾隆十四年，金川凯旋，筵宴，《庆隆舞乐》一章

乾隆圣世，瀛寓义康。元首惟明，股肱惟良。景运鸿昌，休德茂著。统驭八埏，惠液遐布。金川小丑，蠢尔冥顽。惟时弗率，跳梁穷边。用申天讨，声罪执言。长驱驿驾，油云斯屯。圣谟广运，决机万里。聿简贤臣，良弼是倚。曰忠曰勇，经略戎功。心坚金石，诚格苍穹。身先烝徒，跋履严阻。晨夕尽瘁，均劳共苦。奸宄是殛，逆谍是攘。国宪孔昭，我武孔扬。窟穴犁止，岩巢圯止。坚卡堕止，峻碉毁止。爰褫其魄，爰丧其胆。震慑股栗，潜伏于坎。如鼠窜穴，如鳞游釜。号呼哀吁，再三求抚。元臣执义，愤欲荡除。帝德好生，曰免骈诛。六条攸约，虔栗遵循。恩纶祗奉，解网施仁。丕革厥心，匍匐奔赴。除道筑坛，香云拥路。帝仁覃敷，六合滂洋。苏其枯朽，赐以再生。展也满兵，弥月功成。云何其速，皇猷是凭。神功炳焯，乾刊轩豁。九重胜算，明并日月。勒诸琼玖，昭诸汗青。礼成钜典，乐奏升平。肤功克奏，庆筵是侑。太和氤氲，翔洽宇宙。卿云纠缦，景纬珠联。梯航琛赆，亿万斯年。

乾隆二十五年，西域平定，筵宴，《德胜舞乐》一章

祖志继成，翦灭远叛。筹画从容，疆辟二万。川原式廓，乃经土田。庙算宏深，天心契焉。车楞内讧，丐恩臣服。爵锡王公，周恤其属。鬼蜮阿酋，铺匍帝庭。宠以蕃服，秉钺专征。俘达瓦齐，再生曲宥。念彼军劳，崇封晋授。阿酋狡狴，将伏天诛。妄冀非分，叛于中

途。反覆二心，弃厥妻子。役属离散，巨恶宜尔。汲水万里，欲息燎原。似彼狂酋，徒然自燔。窜俄罗斯，疫戕其命。遐方尊王，爰献于境。满洲索伦，凌波飞渡。奋勇莫当，峻岭爰度。俘厥逋逃，收彼牲畜。取彼子女，如摧朽木。弓矢所加，贼垒莫御。急思免脱，震骇无措。蠢尔贼众，作乱变更。帝德涵濡，莠独遂生。岂曰黠兵，岂曰武。乘时会，忍弗远抚。回首在囚，解其禁锢。甫还库车，流言煽布。惟彼凶渠，负君莫比。罔念圣恩，能弗切齿。伊犁既戢，诸部宾服。豫策久长，悉收回族。二贼溃逸，命将追遏。逾其穴巢，直抵巴达。爰遣侍卫，乃得其情。回长捕颍，南贼输诚。邃古莫稽，列史具在。歼寇如斯，未有类。挽枪净扫，寰宇升平。师出以正，中外永清。睿谟惟诚，宵旰无逸。宏奏肤功，圣心斯怿。顺我者昌，逆我者亡。旌别恐遗，天语孔彰。酬庸封爵，表勇锡名。昭兹懋赏，章采聿明。诛锄元恶，大功告成。如春育物，德合清宁。

道光八年，重靖回疆，筵宴，《德胜舞乐》二十章

道光圣世，德洽纓旌。猷琛奉赆，有翼有虔。一章蠢兹逆回，逋诛小丑。喙伏荒裔，敢为戎首。二章麇麇其群，驺驺其氛。涉卡潜煽，不戢自焚。三章皇赫斯怒，爰命扬威。汝往讨乱，执讯以归。四章浑巴什河，先声克振。进歼柯坪，靡有遗烬。五章沙岗岚岚，我兵既攻。三庄扫穴，十日奏功。六章奏功一月，四城迅复。伯克跪迎，额颂神速。七章莫赤匪狐，莫黑匪鸟。星弧所指，并伏其辜。八章帝轸八城，蠲厥祖赋。耄龄欢庆，九天甘澍。九章于铄宸谟，十条诞敷。罪人务得，勿俾稽诛。十章稽诛勿俾，征师勿俟。次第凯还，以息劳勩。十一章苍莽四山，侦骑周环。妖鸟攸投，庭弓攸弯。十二章岁既宴矣，烝徒骧骧。制挺挾贼，阿图什壮。十三章我追彼窜，自昏徂旦。抵铁盖山，去路倏断。十四章爰丧其马，爰曳其兵。夺彼短刃，繫经长纆。十五章城柳初黄，驺骑载驰。都人夹道，遥望红旗。十六章橐弓锡组，告于天祖。归善慈闱，孔曼受祜。十七章勒碑志事，御门受俘。聿启喜宴，露湛云需。十八章旨酒既嘉，队舞入侑。小大稽首，我皇万寿。十九

章圣武维扬，圣恩维长。履仁饫义，万寿无疆。二十章

大宴《筵吹乐》六十七章乾隆七年定。

《牧马歌》 人君之乐，恃此纪纲。兆民之乐，恃我君王。室家孔宜，夫君之力。朋友有成，和辑之德。

《古歌》 八种成壤兮，实人世常。堕迷惘中兮，欲锁与情缰。愚人无识兮，乐兹殊未央。执空为有兮，谬语其奚当。

《如意宝》 不澡心于群经，具本性而无明。不服膺于佛乘，说妙行而听荧。

《佳兆》 一人首出，万国尊亲。湛恩汪涉，普被生民。百花敷荣，一日悦目。灌顶宝光，万众所伏。

《诚感辞》 良胡畏哉，襄以至诚。良胡过哉，竭己所能。良胡伪哉，语无文饰。良胡怠哉，罔敢休息。

《吉庆篇》 有君圣明逾戴天，有臣靖共胜后嗣。健妇持家过丈夫，如意宝珠惟孝子。

《肖者吟》 灭除己罪，仗佛真言。如欲疗病，惟良药存。菩提灯兮，出众生于黑暗；智慧梳兮，栉六欲之纠缠。

《君马黄》 大海之水不可量，天府宝藏奚渠央。良朋和睦益无方，圣有谟训垂无疆。

《懿德吟》 人君能仁，烝黎之父。君子和平，群相肺附。懿厥哲人，实维师傅。匿智怀私，乃民之蠹。

《善哉行》 惟安惟和，心意所欲。无贰无虞，朋友式谷。

《乐土谣》 分人以财，惠莫大焉。施人以慧，宁不逾旃。

《踏摇娘》 日将出兮，明星煌煌。寿斯徵兮，秀眉其庞。三十维壮，五十迟暮。莫亲祖母，莫尊祖父。

《颂祷辞》 我马蹶蹶，行如流水。俊英满座，交亲悦喜。族党姻娅，咸富且贵。酌酒为欢，既多且旨。

《慢歌》 十五欢娱八十衰，壮容华茂迟暮悲，祖妣最亲祖尊哉。

《唐公主》 遵王之路兮，愆尤希。素位而行兮，夫奚疑。

《丹诚曲》 罔有败事兮，遵道而行。长无离析兮，顺亲之情。

《明光曲》 瞻彼日月，虚空发光。圣君圣母，焜耀万拜。

《吉祥师》 日月之明兮，容光必照。圣君之明兮，烝黎咸造。

《圣明诗》 际圣明时，良我福只。横被恩泽，良我禄只。

《微言》 倏忽变迁，顺其自然。如彼蜃楼，作生渺焉。

《际嘉平》 诸恶莫作，菩提萨多。瞑矐妄行，用堕三涂。

《善政歌》 经何本，本于宗。身何本，媪与翁。罪何本，嗔烛烛。福何本，和雍雍。

《长命辞》 靡言不适于道兮，水万派而朝宗。夫惟外道之妄语兮，并自画而不通。

《窃窈娘》 惴惴原兽，思全其身。兢兢庶士，思庇后昆。

《湛露》 维彼愚人，惟知己身。维此哲人，心周万民。

《四贤吟》 六欲相牵，微生是恋。叹彼驹光，如梦如电。

《贺圣朝》 慈悲方便，永断疑情。极乐净土，不灭不生。

《英流行》 知之而作兮，明哲所由。不知而作兮，庸愚之俦。虑而后动兮，卓彼先觉；率而妄动兮，是乃下流。

《坚固子》 马蹠躩兮，身不获康。念此身兮，本自无常。马腾骧兮，生不获宁。念此生兮，本自无生。

《月圆》 良马之德，于田可徵。良朋之行，相交乃明。

《缓歌》 良马云何，乘者所思。良朋云何，久而敬之。

《至纯辞》 惟帝力兮劳来，父母力兮免怀。乘骐驎兮驰骤，仗巨擘兮弓开。

《美封君》 贡高专美，曰惟不仁。拥货自厚，不久四分。惟不惺惺，乃不戒惧。凶心常萌，谁与共处。

《少年行》 嗟弃捐于岩穴兮，盍远播夫芳声。嗟终老于草莽兮，盍永垂夫今名。

《四天王吟》 悲哉北邙，令闻宜扬。北邙悲矣，青史不渝。

《宛转辞》 瞻彼中林，芄芃万木。旃檀有香，生是使独。万类

咸若，攘攘芸芸。民之父母，首出一人。

《铁骊》 载飞载翔，惟翻是凭。为声为律，惟心是经。射之能中，惟指是凭。交之能善，惟和斯恒。

《木樨珠》 穀之成维兮，孚化之功。羽用为仪兮，赋命之隆。迪彼愚蒙兮，惟圣之功。明厥本性兮，实在己躬。

《好合曲》 维勤斯哲，安不可怀。溯兹小乐，至乐难期。

《章阜》 乾照无私，圣教无类。谟训洋洋，鉴兹不昧。

《天马吟》 骐骥不群蹇驴，鸿鹄不偕斥鷃。骏虞不迹狐狸，圣哲不昵愚贱。

《大龙马吟》 畴知幻躯，秘此佛性。畴不退转，佛恩来证。上德堕落，畴其知病。下士顿起，畴其知就。

《始条理》 福慧天亶，诚哉难覩。通人达士，岂奚易近。

《追风赭马》 葱兮茜兮，山有芳兰。僮兮祈兮，首有妙鬋。

《回波辞》 元首明哉首出，股肱良哉罕匹。贤夹辅兮王室，莫执左道兮蠹贼。

《长豫》 景行行止，下民堪怜。宜泛爱众，毋逆忠言。

《平调》 骐骥迁我体，橐鞬卫我身。嘉言资我道，经史沃我心。

《游子吟》 升彼高阜兮，思我故乡。有怀二人兮，莫出户堂。陟彼崔嵬兮，思我故乡。有怀二人兮，莫出垣墙。

《平调曲》 帝王无逸，天地和宁。辟公肤敏，兆民阜成。

《高士吟》 日之升，天为经。民之行，君为程。水之流，随坎盈。牝之游，驹之情。

《生哉明》 非冒于货贿也，感兄弟之敬心。非贪于饮食也，感父老之诚忱。

《高哉行》 云何致太平，睪然望皇衢。人生夫何常，善保千金躯。民之不能忘，令名照神区。子孙振绳绳，百千万亿余。

《三章》 敬尊佛教，如滋甘雨。莫行邪恶，种兹罪苦。

《圆音》 身无常，花到秋。名无常，雷不留。财无常，蜂酿蜜；水无常，海发沤。

《栏杆》 贤者斯贤贤，不贤不贤贤。蜜蜂见花驻，蜻蜓去翩翩。

《思哉行》 千金宝马，不如先人之畀遗。尝尽诸果，不如母乳之甘兮。

《法座引》 电可畏兮，时屈朱明。霜可畏兮，五谷将登。祸可畏兮，欢乐所成。罔不畏兮，忆神魂之初降生。

《接引辞》 火宅无清凉，苦涂无安乐。鸟路谁能携，阎浮难驻脚。

《化导辞》 阎浮提界，如彼高山，越之维艰。尽却今时，大海漫漫，欲渡良难。

《七宝鞍》 瞻彼堤岸，水则不滥。有君牧民，当无畔散。飞鸟虽疲，宁甘堕地。君子固穷，之死不二。

《短歌》 嗟余生之欢乐兮，似黄离之盈昃。感韶光之荏苒兮，似叶上之青色。及芳华之当齿兮，且嘉乐以永日。

《夕照》 时乎时乎，时外无时。时其逝矣，奚与乐为。黄离既昃，定光温暾。天光既暮，噫噫其阴。

《归国谣》 皇矣圣世，蔼如仁君。怀哉怀哉，日远日分。亦有良朋，如兄如弟。日远日离，不能遥跂。

《僧宝吟》 投诚皈命，既安且吉。如佛塔庙，云胡远别。和乐且耽，手足提携。如姊如娣，云胡远离。

《婆罗门引》 酪必成醐，父将成祖。沙必成邱，母将成嫗。

《三部落》 诚观三界，沕起沕灭。如彼秋云，乍兴乍没。

《五部落》 流水何汤汤，吾生如是游。虽有圣贤人，谁能少滞留。

乾隆二十五年，西域平定，筵宴，《笳吹乐》一章

闾阖煌煌，钟镛锵锵。鸣鞭祗肃，帝用燕康。荷天纯嘏，祖德凝床。从容底定，定允升大猷。圣德宏敷，光被遐迩。如拱北辰，诸部归止。慈恩覆帔，沧海无量。争先效顺，奔走来王。宪章斯备，胜算克成。跳梁群丑，鱼贯输诚。天威震叠，小腆惕厉。大君惟仁，莫不

臣隶。圣教宏敷，额手格心。月竊同风，越迈古今。远漠是协，绝徼安康。抚绥之德，遍于遐荒。乾元功懋，滂洽垓垓。巍巍盛德，亿万斯年。

道光八年，重靖回疆，筵宴，《笙吹乐》九章

于赫皇威，式于九围。回疆耆定，饮至劳归。一章有截回疆，纯皇所绥。畏神服教，巩我蕃篱。二章蠢兹逆裔，逋诛再世。燎原自焚，法不可贯。三章戎车爰西，如云如霓。一月三捷，四城其隳。四章四城既治，丑党既夷。轂纆张罽，妖鸟安之。五章回庄岁迹，有鹄萃止。蹶迹穷追，盖孔铁。六章縶以白组，报以红旗。新春送喜，皇心载怡。七章昔赋出车，今歌采薇。受厘天祖，归善慈闱。八章嘉猷允仪，溥哉恩施。奉觴稽首，万寿维祺。九章

大宴，《番部合奏》三十一章乾隆七年定，惟《大合曲》、《染丝曲》、《公莫》、《雅政辞》、《凤凰鸣》、《乘驿使》六章有辞；无辞者有宫谱：曰《兔置》，曰《西醵曲》，曰《政治辞》，曰《千秋辞》，曰《鸿鹄辞》，曰《庆君侯》，曰《庆夫人》，曰《羡江南》，曰《救度辞》，曰《大番曲》，曰《小番辞》，曰《游逸辞》，曰《兴盛辞》，曰《艳冶曲》，曰《庆圣师》，曰《白鹿辞》，曰《合欢曲》，曰《白驼歌》，曰《流莺曲》，曰《君侯辞》，曰《夫人辞》，曰《贤士辞》，曰《舞辞》，曰《叠鼓曲》，曰《调和曲》。不载。

《大合曲》 元辵是依，明神是祗。一心至诚，昭事勤只。巍巍大君，永底烝民。中心爱戴，稽首来臣，念人生之无常兮，合勤修夫善行。信百行之咸善兮，终和平而神听。

《染丝曲》 大群至圣，教敷率土。教宁万邦，拜跪奉主。

《公莫》 丕显元后，惠怀万方。国彦秉恭，协赞邦常。率土之滨，诚意溥将。咸拜稽首，依戴圣皇。

《雅政辞》 皇皇圣明，无远弗烛。林林众庶，无思不服。元化惠心，为善去恶。圣人之邦，长生永乐。

《凤凰鸣》 承乾体元，惟我圣君。光开草昧，惟我圣君。纲纪